



Broj : 10-38-7664-3-5/19.
Zenica, 14.02.2020. godine

Gradovima na području Zeničko-dobojskog kantona
n/r gradonačelnika
Općinama na području Zeničko-dobojskog kantona
n/r načelnika
-svima-

Predmet: Plan javne rasprave o Nacrtu Zakona o predškolskom odgoju i obrazovanju, dostavlja se

Poštovani,

U prilogu akta dostavljamo Vam Plan javne rasprave o Nacrtu Zakona o predškolskom odgoju i obrazovanju, broj: 10-02-7665-2-5/19., od 14.02.2020. godine, na Vaše dalje postupanje.

S poštovanjem,

DOSTAVLJENO:

1 x Naslovu
1 x Sekretaru Skupštine Kantona
1 x a/a, 03-03



MINISTAR

Prof. dr. Spahija Kozlić



Broj: 10-02-7665-2-5/19.

Zenica, 14.02.2020. godine

Postupajući po Zaključku Skupštine Zeničko-dobojskog kantona, broj: 01-02-1975/20., od 07.02.2020. godine, a koji se odnosi na obavljanje Javne rasprave o Nacrtu Zakona o predškolskom odgoju i obrazovanju, Ministarstvo za obrazovanje, nauku, kulturu i sport Zeničko-dobojskog kantona donosi:

PLAN JAVNE RASPRAVE

o Nacrtu Zakona o predškolskom odgoju i obrazovanju

I.

Polazeći od značaja i uloge predškolskog odgoja i obrazovanja, kao i činjenice da je u usvojenom Programu rada Vlade za 2020. godinu, predviđen nastavak započetih, sveobuhvatnih reformi na svim nivoima odgojno-obrazovne djelatnosti, a koje proizlaze iz Strategije razvoja Zeničko-dobojskog kantona za period 2016. do 2020. godine, Ministarstvo za obrazovanje, nauku, kulturu i sport Zeničko-dobojskog kantona je zaduženo da kao obrađivač navedenog Nacrta zakona, realizuje Plan javne rasprave po svim gradovima/općinama na području Zeničko-dobojskog kantona, a sve sa ciljem izrade Prijedloga Zakona o predškolskom odgoju i obrazovanju, u roku od 30 dana, te isti uz Izvještaj o provedenoj Javnoj raspravi, dostavi na dalje razmatranje Vladi, odnosno Skupštini Kantona.

Skupština Kantona je na svojoj 18. Sjednici, od 07.02.2020. godine, razmatrala i utvrdila Nacrt Zakona o predškolskom odgoju i obrazovanju, te isti uputila u proceduru javne rasprave.

Cilj javne rasprave o Nacrtu Zakona o predškolskom odgoju i obrazovanju jeste da se o njihovim predviđenim i predloženim rješenjima obavi cjelovita javna rasprava u svih deset općina, Gradu Zenici i Gradu Visokom na području Zeničko-dobojskog kantona, (uz aktivno sudjelovanje građana, predstavnika predškolskih i drugih odgojno-obrazovnih ustanova, naučnih institucija, predstavnika političkih stranaka, predstavnika udruženja građana, kao i svih drugih zainteresovanih subjekata sa područja gradova/općina, odnosno Kantona, uz sudjelovanje predstavnika javnog informisanja), kako bi se svim građanima odnosno široj javnosti, učinila dostupnim rješenja iz Nacrta Zakona o predškolskom odgoju i obrazovanju Zeničko-dobojskog kantona.

Očekuje se da javna rasprava doprinese poboljšanju teksta Nacrta Zakona o predškolskom odgoju i obrazovanju, kako bi Vlada Kantona kao predlagač, putem Ministarstva za obrazovanje, nauku, kulturu i sport kao obrađivača, dostavila Skupštini Kantona odgovarajući Prijedlog Zakona o predškolskom odgoju i obrazovanju, u predviđenom roku.

Rok za dostavu objedinjenih izvještaja o provedenim javnim raspravama je 13.03.2020. godine.

II.

U svrhu provedbe javne rasprave iz tačke I. ovog plana tekst Nacrta Zakona o predškolskom odgoju i obrazovanju, zajedno sa obrazloženjima i prpratnim aktima, je putem Stručne službe Skupštine Kantona dostavljen na web stranicu Zeničko-dobojskog kantona (www.zdk.ba), i dostupan u Ministarstvu za obrazovanje, nauku, kulturu i sport radi proučavanja njegovih odredbi i priprema za održavanje javne rasprave u svih deset općina, Gradu Zenici i Gradu Visokom sa predstavnicima Ministarstva za obrazovanje, nauku, kulturu i sport Zeničko-dobojskog kantona, koje je obradilo tekst nacrtu navedenog zakona.

III.

O tekstu Nacrta Zakona o predškolskom odgoju i obrazovanju, obaviti će se javna rasprava u sjedištu gradova/općina, koji se održavaju u sljedećim terminima:


| | | | | |
|----------------------|----------------------|------------|---------|---------|
| 1. Općina Breza | 20.02.2020. godine u | 10,00 sati | dvorana | Općine; |
| 2. Općina Vareš | 20.02.2020. godine u | 12,00 sati | dvorana | Općine; |
| 3. Općina Olovo | 24.02.2020. godine u | 10,00 sati | dvorana | Općine; |
| 4. Općina Žepče | 26.02.2020. godine u | 09,00 sati | dvorana | Općine; |
| 5. Općina Maglaj | 26.02.2020. godine u | 11,00 sati | dvorana | Općine; |
| 6. Općina Zavidovići | 26.02.2020. godine u | 13,00 sati | dvorana | Općine; |
| 7. Općina Doboj-Jug | 03.03.2020. godine u | 10,00 sati | dvorana | Općine; |
| 8. Općina Usora | 03.03.2020. godine u | 11,30 sati | dvorana | Općine; |
| 9. Općina Tešanj | 03.03.2020. godine u | 13,00 sati | dvorana | Općine; |
| 10. Grad Zenica | 04.03.2020. godine u | 09,00 sati | dvorana | Grada; |
| 11. Grad Visoko | 04.03.2020. godine u | 09,00 sati | dvorana | Grada; |
| 12. Općina Kakanj | 04.03.2020. godine u | 11,30 sati | dvorana | Općine; |

Planiranu javnu raspravu blagovremeno će zakazati službe gradskog/općinskog gradonačelnika/načelnika, kao i sekretari gradskih/općinskih vijeća, koji će osigurati dvorane - prostore za održavanje javne rasprave, provesti, odnosno osigurati prisustvo subjekata iz tačke I. ovog plana, kao i odrediti lice-zapisničara zaduženog za dostavu sumiranih rezultata javne rasprave resornom ministarstvu kao obrađivaču. S ciljem blagovremene, tačne i decidne analize rezultata javne rasprave u gradovima/općinama sa područja Kantona, sumirane rezultate javne rasprave, (pored pisanog Izvještaja), neophodno je dostaviti resornom ministarstvu i u elektronskoj formi, najkasnije do 13.03.2020. godine.

Ministarstvo za obrazovanje, nauku, kulturu i sport Zeničko-dobojskog kantona će osigurati prisustvo svojih predstavnika javnoj raspravi u svim gradovima/općinama, a radi vođenja rasprave, davanja potrebnih pojašnjenja i odgovora, u cilju lakšeg sumiranja rezultata javne rasprave o *Nacrtu Zakona o predškolskom odgoju i obrazovanju* u predviđenim terminima i mjestima održavanja na području gradova/općina.

IV.

Za izvršenje ovog plana odgovorni su Sektor za predškolsko, osnovno, srednje obrazovanje i odgoj i obrazovanje odraslih, i sekretar Ministarstva.



MINISTAR

Prof. dr. Spahija Kozlić



Bosna i Hercegovina, 72000 Zenica, Kućukovići br. 2
Tel: 032/460-840; 460-841; fax: 460-842
e-mail min.obrazovanje@zdk.ba